

東華續錄

乾隆二十四年己卯春正月甲申免甘肅通省明年額賦及歷年各項積年額賦及歷年各項積粟麥減價平糶○庚寅命增甘肅臺站運價馬乾均免折支○癸巳諭雅均免折均免折支○癸巳諭雅進兵庫車以後種種玩誤乖張失機債事爲從來行師失律諸臣所未有行師失律諸臣所未有來問夜旁午事事皆朕親理委曲莫不悉知卽其罪狀昭著亦不待再加鞠訊始抵於法實因貽誤軍國大事欲令大廷廣眾服刑示儆所以彰國憲而昭炯戒乃朕遂款詰問伊雖一一俯首無辭而猶然視面求活竟自舉達爾黨阿哈達哈之例冀以披甲效力豈意人世間不知羞恥之人竟有至於如此者試問伊獲罪情節與彼二人同乎卽彼二人之從寬亦出於朕耳豈人臣所可視以爲例乎則知伊之本心原出於怯懦延誤卽使獲罪謂有例可援不失爲曾作大臣之人仍然保守家業妻子耳此其心尙可問乎今據王大臣等公同集訊合詞請旨正法使雅爾哈善之罪尙有一綫可原朕固不因王大臣等有此陳奏然後明正典刑似此萬難寬宥之人亦不待眾論僉同游移從事也且雅爾哈善之老師糜餉安坐縱賊前後情節俱係伊隨時自行奏報經朕一一親覽洞燭者惟怯因循居心欺罔之處實難枚舉毋論沿

途不能約束兵丁任意逃竄及聽任綠營陋說輕空地道傷損弁兵全無馭眾敵愾之道乃至身任閫帥遇事高居簡出對敵則藉稱憑高瞭望並不親身督戰守壘之兵戒嚴數月亦不身親巡視及庫車頭目潛遁餘眾出降又不親身入城經理阿克蘇回眾輸誠內附並不前往受降迨兆惠將至意慮分功始欲進發而卒又不果有一於此尙得謂之有人心者乎然其罪之最不可追者一在霍集占竄入庫車則姑付之於不知且寬其西逸之路不卽追捕又明知順德訥之玩賊養奸而不卽參奏直至賽哩木降人供出方以一奏諉罪一在庫車賊黨阿布都克喀木等尙未盡去不卽行督攻授意順德訥有得一空城亦可報命之語則又屬何心乎此而不正其罪置國法於何地國家軍旅重寄凡在臣工無不當奮勇自效大臣中果有勤勞懋著者朕無不加以殊恩顯秩用示鼓勵若如雅爾哈善之貽誤至此實出情理之外總因前此永常策楞玉保三人以道斃漏網未經解京明正典刑是以雅爾哈善一無忌憚乃引達爾黨阿哈達哈之例以自處則爲簧鼓之說者可知朕之執法爲寬乎爲嚴乎雅爾哈善罪案已定卽再加之刑訊亦不過恬不知恥苟延旦夕耳朕實爲眾臣愧之亦不忍再加刑訊矣著阿蘭泰達清阿會同法司前往監視將雅爾哈善卽行正法夫信賞必罰乃人主用人行政之大權若不謹持成憲何以整肅軍紀此不得已之苦心王公大臣等當共體此意者朕亦無可引咎惟增憤懣而已將此宣諭知之○乙未諭前因戶部據楊廷璋咨請梁詩正丁憂後仍在籍食俸一事甚屬非體降旨將楊廷璋等交部察議彼時

以此事本無關緊要且必非出自梁詩正之意但其中緣起不能明白則於梁詩正一生品行甚有關繫是以傳諭楊廷璋令其明白覆奏今據奏到果不出朕所料然摺內既稱張松與梁詩正誼屬同年又爲本籍縣令而問候之次梁啓心卽亟亟以全俸爲言藩司杜官德亦卽據稟向撫臣往返申請謂非逢迎瞻顧誰其信之向來同年故舊聯絡聲援及地方官與在籍摺紳結納徇情最爲惡習我 皇考臨御十

三年嚴行整飭政治始得肅清今觀張松等所爲可見因朕從寬不問此等細故而其風又復漸起於官方政體風俗人心所繫匪輕不得不爲防微杜漸明切誠諭楊廷璋聽從屬員咎自難追第已經該部察議其張松杜官德俱著交部嚴加議處○馬得勝伏法○丙申杜官德因事解任以明山爲浙江布政使永泰爲山西按察使由河南河北道遷○調徐垣爲貴州布政使以吳士端爲四川布政使顧濟美爲四川按察

使由福建糧驛道遷

○戊戌諭軍機大臣等昨據蔣炳奏大學士總督黃廷桂感冒風寒見需醫治朕心深爲眷

念已遣福隆安帶同御醫前往診視至見在軍務緊要適因開泰陸見來京卽令馳赴該省協同辦理俾得安心靜養以冀速痊俟病愈後卽令開泰由該省赴川計此時該督自當日就痊可著再傳諭該督所有軍需要務該督向來實心任事自不肯稍釋於懷可與開泰商同籌辦其餘一切尋常事件開泰亦自能妥協經理該督俱可不必經心惟加意調攝以慰朕念將此傳諭知之○己亥諭大學士伯管陝甘總督黃廷桂忠誠敏達幹練老成歷任封疆勤勞懋著西陲用兵以來籌辦軍需備極勞瘁一切規畫機宜

動與朕心昭合數年來轉運糧馬事事精詳妥協毫不累民內地不知有軍興之費厥功甚鉅倚毗方深是用疊加寵錫晉爵錫金以彰勞績昨據蔣炳奏伊在涼州偶感風寒力疾視事舊恙增劇卽命福隆安同御醫馳驛前往診視以冀速痊遽聞溘逝深爲震悼覽其遺疏當彌留之際尙拳拳以西師垂竣籌辦軍儲爲念益見體國奉公赤忱罔斂不覺聲與涕俱難以自禁卽著福隆安前往奠醑賞銀一萬兩交地方官料理喪事並准入祀賢良祠其伯爵卽令伊子承襲所有應得卹典仍著該部察例具奏又諭故大學士伯總督黃廷桂見已降旨賞給銀兩令該地方官經紀其喪靈輟起程時所過地方文武員弁俱著出城奠醑並派員沿途加意照料護送回京尋予祭葬諡文襄○諭陝甘總督員缺著吳達善補授甘肅巡撫員缺著明德補授吳達善未到之前總督印務卽著明德暫行護理○諭軍機大臣等黃廷桂籌畫軍務一切俱有辦定章程皆吳達善明德所悉知者務須遵守成規實心實力善爲經理而目今總以鎮靜爲要但兩省承辦員弁甚多黃廷桂向來督率綜理不遺餘力今猝然病故恐其中不無乘機滋弊之人更須加意嚴行查察俾各知懷遵不致稍有懈弛貽誤軍需重務至黃廷桂遺摺內所奏辦理各項軍需俟回部蕩平之後有尙須詳晰面陳數語平日曾否與吳達善明德言及著將原摺鈔寄二人令其閱看具奏至哈密地方如有必須巡撫駐紮應辦之事俟吳達善到肅彼此講論已有端緒明德卽前往哈密接辦如酌量哈密見有五吉在彼可以無庸前往明德可卽回蘭任事將此傳諭知之尋明德奏黃廷

桂曾言甘省辦理軍需米糧價長蘭涼偏災糧價尤貴雖不日凱旋恐一二年內不能如舊將來尙須妥辦其究應如何調劑及入覲面陳之處並未言及亦未聞與吳達善作何議論至馬匹過涼無大員督查恐弁兵疏懈臣卽自涼起程沿途督查俟到肅將督篆移交吳達善並面酌哈密應辦事宜於巴里坤辦馬完日回至哈密駐紮得旨覽奏俱悉○實授李侍堯兩廣總督○癸卯諭蔣溥著補授大學士仍兼管戶部尙書劉統勳著協辦大學士李元亮著調補戶部尙書梁詩正著調補兵部尙書歸宣光著補授工部尙書陳惠華著補授左都御史阿里袞未到以前兵部滿尙書事務著李元亮兼管其見署工部滿尙書不能兼管蘇昌著以吏部侍郎署理工部滿尙書事務恩丕著留京署理工部侍郎其奉天府府尹員缺著通福壽補授○諭軍機大臣等見在進剿葉爾羌糧餉馬匹最關緊要前經黃廷桂董率綜理不遺餘力籌畫始有成規今印務交明德接管已傳諭令其實心實力遵循妥辦但各該將軍提鎮向因黃廷桂調度諸務就緒儻因明德接管或稍有因循推諉及各分畛域不能彼此實力襄事則伊等罪由自取恐難曲貸著通行傳諭伊等俱係大員一切軍需經明德督率辦理者仍如黃廷桂存日共相奮勉以濟軍務毋以玩誤取咎○甲辰命陝西撥運倉米接濟甘肅○丙午諭軍機大臣等永貴等奏稱賊黨鄂斯璜塞頗爾阻截額里齊喀喇哈什要路請派馬兵數百名協剿又稱布拉呢敦有圖取烏什之信等語烏什與阿克蘇頗近駐兵亦少賊人欲圖攻取之言雖未可全信而安撫回眾防守城池自屬要務內地續

送馬匹到日自應酌量扣留派兵發往至和闐前已派兵五百名若尙未起程且先發往烏什或賊人來信係屬虛傳再往和闐防守可也○丁未賜布魯特車哩克齊等敕諭曰近據將軍大臣等奏稱差往爾等遊牧之侍衛布瞻泰曾見爾策哩木伯特及明伊勒哈等知爾等遊牧人少且牧放牲畜又值冬寒雪大不能發兵等語朕洞悉情形已降旨傳諭爾等以極邊番部慕義歸誠特欲共享安樂且將軍大臣此時應已成功爾派兵與否無甚關繫但逆賊布拉呢敦霍集占及附和之回人厄魯特等爲大兵攻剿有逃入爾等遊牧者務將著名首惡查拏縛送卽可見感恩效力之忱朕必重加恩賞又近差往右部哈薩克之章京納旺等帶領使臣入覲途遇爾布魯特喀喇巴圖等差往哈薩克之巴爾瑚圖告云厄魯特哈薩克錫喇拏眷二十餘人逃入爾布魯特之薩雅克薩喇巴噶什鄂拓克等語哈薩克錫喇係負恩背叛之賊不可寬宥者令逃入爾等遊牧似屬實情爾等自應曉示該鄂拓克人等將逃賊夫婦卽行拏送其屬人不妨存留爾車哩克齊等奉到諭旨卽酌量該鄂拓克距爾等遊牧遠近或親往查拏或令其擒送並傳示云若復如前隱匿則將軍大臣等領兵親往搜捕該鄂拓克必致驚擾惟速爲擒送軍營將軍等奏聞定邀厚賞再我大兵昨進剿逆回傳聞爾布魯特人等曾搶掠喀什噶爾之英吉沙爾城布拉呢敦轉回救應今爾遊牧並無發兵之說則此舉又係何人大兵正在攻取賊城此等布魯特發兵搶掠以分賊勢甚屬可嘉朕欲加恩獎勵爾等亦查明具奏此等布魯特皆爾同類伊受朕恩爾等亦與有榮施也

爾等其據實繕寫奏章交沿途所遇駐紮大臣卽爲轉奏特諭○己酉致仕協辦大學士禮部尙書三泰卒遺疏聞得旨三泰才品優長歷仕三朝宣力年久前於協辦大學士任內以老病乞休准其原官致仕特加太子太保以示眷注舊臣之意今聞溘逝朕深爲軫惻應得卹典著察例具奏尋予祭葬諡文恭○庚戌以蔣溥爲東閣大學士兼戶部尙書○辛亥命山西撥大同府倉穀於朔平府備糶

二月己卯諭禮部據正白旗滿洲都統將舒常之妻可否請復格格之處咨請部示該部遵行請復多羅格格品級一摺舒常係舒赫德之子舒赫德乃屢獲重罪之人此次因將軍兆惠統兵深入接續辦事者乏人伊亦自知奮勉贖罪因加恩復用此亦舒赫德尙有受福之地是以值此機會而朕又將伊子舒常授爲侍衛此皆朕格外加恩其稍有人心者雖倍加奮勉效力猶恐不能報稱豈有汲汲爲其妻求請品級之理又豈有因妻請復並希自增品級之理設使舒常竟行在旗具呈則無恥之至朕必重治其罪今詢問舒常並未具呈行文禮部實出自誠親王之意夫舒常之妻係裕親王之女王管理旗務卽如此瞻徇情面爲之咨請可乎况封賞乃國家之特典惟應行加恩者始可加之耳豈臣下所可私心袒護妄冀施恩者卽如授王公等女格格品級一事亦國家優渥之恩其平日本無事故自可遵例給以應得品級若以屢犯重罪之人情事判然不同豈得仍照初次竟復原級誠親王實非尋常瞻徇可比著交宗人府嚴加察議觀保身爲副都統何尸位附和若此著交部嚴加察議至禮部接到旗咨卽據理駁回伊等固

爲無罪卽不行駁回若循照舒常議給品級其罪亦不過交部察議而止乃該部並不遵例辦理徑照原品奏請給與多羅格格品級非瞻徇舒赫德而何伊等在朕前如此奏請可乎禮部堂官等並著交部嚴加察議再定例王子之女格格中近派者俱奏請指人遠派者許自行指給至嫁時奏請品級今漸至近派王等亦閒有先許人而後奏聞者從前王等之女格格俱許給蒙古台吉此係舊例因蒙古等原係世爲姻親故也況京師勳舊子弟內亦有擇配王公之女者今王等多不遵舊例情願擇配京師旗人更有無恥之人賣緣王子私行聘定出嫁時始行奏請格格品級甚屬惡習向日並未有此此風特起自近來數年閒耳其漸斷不可長除業經聘嫁者無庸置議外著交該衙門將見在親王郡王之女格格中其已許京師旗人尙未娶者不便離婚仍聽其給與查明指名奏聞將某親王某郡王罰俸一年嗣後凡親王郡王之格格俱遵照舊例候朕旨指給蒙古台吉等其閒或有因原係姻親熟識蒙古等情願自行許給尙屬可行伊等可自行定議奏聞其不行奏聞而私行許聘京師旗人者著永遠禁止○戊午命四川添鑪鑄錢解甘肅備用○己未 上御經筵○壬戌賜哈薩克汗阿布勒巴木比特等敕諭曰哈薩克汗阿布勒巴木比特阿布資阿布勒比斯等昨據將軍等具奏爾等遣俄羅斯蘇勒統等代請朕安由烏里雅蘇台伴送至京朕嘉爾等誠悃疊申宴資念爾阿布勒巴木比特等遠在外藩若照內地扎薩克授以爵秩恐爾等有拘職守前阿布資等遣使入覲時已傳諭及此爾阿布勒巴木比特亦各依舊俗安居遊牧

庶無擾累爾等如遣使輸忱朕亦不靳恩賞其賜爾阿布勒巴木比特等段匹器物茶葉若干使臣
爾等其各祇受又賜來使等衣物銀兩若干及使臣隨僕等段匹銀兩俱諭爾等知之又昨准俄羅斯部
落來文有爾等哈薩克舊係伊屬之語朕命所司傳諭云前大兵進剿厄魯特抵哈薩克邊界伊等
投誠我大國之體自當撫納非若汝外邦動以威力相加與之約誓責其貢賦亦未嘗禁其服屬他
嗣後爾等卽與俄羅斯往來亦所不校其勉輸誠悃永享無窮之福特諭○癸亥諭哈甯阿以軍行失律
解京鞠訊據供詞與雅爾哈善相符且將雅爾哈善種種謬戾乖張失機愆事情節指陳如繪是雅爾哈
善雖已伏法實不足以蔽其辜夫雅爾哈善旣爲將軍而哈甯阿卽其參贊以將軍罪狀如此爲參贊者
自當以軍國之計爲重據實參奏乃隱忍貽誤又從而附和之滿洲世僕豈宜出此且哈甯阿又非他人
可比自伊父哈達哈獲罪經朕加恩矜宥並予以自效之途伊苟有人心念及伊父亦將倍加感奮矧軍
旅重寄三軍之命繫焉顧因循玩視可乎覈哈甯阿之罪正與雅爾哈善等應卽正典刑以肅軍紀第以
參贊究屬相助爲理之人前哈甯阿曾隨將軍兆惠由濟爾噶朗力戰而出雖見在所犯情罪斷難稍貸
仍念伊前勞暫緩正法著監候秋後處決以示寬典朕用人行政事無鉅細一秉虛公自問信賞必罰毫
無偏倚若事關軍務尤期法在必行然使其人尙有微勞可錄亦不忍竟沒臨時必量予加恩此權衡輕
重實可下對天下臣民今將哈甯阿留候秋讞著通諭中外俾眾共知之○甲子諭據富德等奏報正月

初六日統領官兵至於呼爾瑞逆酋霍集占等率賊騎五千抗拒官兵奮勇轉戰至初九日我兵因馬匹遠行力乏不能悉行斬獲是夜月落後適參贊阿里袞送馬已到正遇分遣剿賊官兵卽與鄂博什分爲兩翼躍呼馳突陣戮賊眾甚夥至初十日天曉收兵回營計五日四夜殺賊千餘及中傷者無算初六日交戰時逆酋布拉呢敦脅間中鳥槍傷甚劇賊昇之入城旋回喀什噶爾計陣戮賊巴圖爾十五名大伯克數十名至將軍兆惠在營中固守聞槍礮聲知援兵已至卽遣索倫兵回人等齎文通信等語覽奏深爲感慰此皆 上蒼默垂眷佑諸大臣以及官兵等忠誠敵愾所致富德數年來宣力勤勞此次奮勇督剿厥功懋著著加恩封爲三等伯爵舒赫德雖屢經獲罪今知奮勇自贖亦屬可嘉阿里袞前雖未著成勞今送馬濟軍如期集事且會同剿賊擊殺甚多朕心深爲嘉許計此次剿賊有功自領隊大臣以上人踴躍自效提督豆斌率眾軍槍礮鼓勇前進奪取賊營脅受槍傷著加恩一體議敘並各賞給世職所有陣亡及效力之侍衛官員兵丁等俟兆惠富德查明造冊報部到日一併優加議卹議敘富德等奏摺及兆惠咨文併發○諭軍機大臣等覽富德等捷奏甚屬奮勉伊從前奏請贖行前進及舒赫德催督各隊兵馬陸續進發俱甚合機宜若不如此辦理焉能剿殺賊眾通信軍營朕心深爲嘉悅但逆賊霍集占等喪膽之餘惟有逃遁今各城回眾皆降自必慮其縛獻惟大兵進剿後北路駐兵甚少伊曾住伊犁熟悉道路或就彼往投俄羅斯亦未可定兆惠富德等宜籌堵截之策且伊二人旣會兵一處足以辦事而

阿克蘇駐紮需人著舒赫德卽同阿克蘇辦事明瑞亦遵前旨馳驛來京至舒赫德駐紮阿克蘇時有烏什回人托克托默特來投據告稱將軍等於營中掘得窖粟及得馬千匹駝千隻布拉呢敦已回喀什噶爾等語今覽兆惠咨文伊等並未收獲馬駝而富德又奏稱布拉呢敦臨陣負傷昇入城中是托克托默特所言盡屬子虛或係霍集占等遁來詐降以懈我軍心自應嚴加窮詰著永貴玉素布等查明托克托默特見在何處卽嚴拏送往軍營交與兆惠審理俱著傳諭知之○以曹瑛爲工部侍郎

由副都統選

何國宗

爲內閣學士

由編修選

○丁卯諭據工部奏郎中上行走之丁憂道員玉神保見在服闋堪勝繁缺道員之任

等語從前八旗人員補用外任者本少且因外任上官旣眾習套更煩是以旗員亦多不願外擢嗣因生

齒日繁故將外任文武員缺酌量簡用旗員其丁憂及調任回京者仍令在原衙門職任上行走並令酌

給俸糈皆朕量材授任格外加恩之意近見在京旗員每以外任養廉所入較優往往希冀外補卽此器

量褊淺大非滿洲淳樸舊俗於風俗人心甚有關繫況京員中果其勤慎幹練遇朕降旨保舉堪勝外任

時該上司自必登之薦剡俾膺民社是人材已得疏通官制亦無偏任也若以曾爲外任卽來京借補而

一經年滿必當仍歸外缺謂此例一成而不可變則該員在原衙門行走或以暫時游衍無意久居勢必

苟且塞責而該上司又以其本非專任來則曲意姑容去則聊爲獎借匪特於政體無裨似此因循日久

八旗人材風俗亦轉滋蠹薄豈朕造就教訓之殷懷乎嗣後凡八旗外任文武官員調任及丁憂回京者

俱著在原衙門職任及所調之任行走遇缺卽行補用所有期滿補用外任之處著槩行停止玉神保卽著照此例仍在原衙門行走○己巳副將軍富德奏整兵至葉爾羌河岸將軍兆惠夾擊兩路大兵已會合進攻報聞○諭將軍兆惠毋庸辭封爵章服富德晉封一等成勇伯予明瑞由屯溫布端濟布努三鄂博什瑪瑞永慶等世職授朗衰扎布袞楚克鎮國公溫福內閣學士餘俱升賞有差○安西提督豆斌以受傷卒命照滿漢一品大臣例賜卹仍加賞世職○命車布登扎布爲副將軍福祿車木楚克扎布爲參贊大臣越阿爾台行巡查額爾齊斯等處搜捕瑪哈沁○阿克蘇辦事侍郎永貴奏正月十九日准侍衛齊凌扎布等遣回人呢雅斯呈稱逆回賊黨鄂斯瑞等統眾六百來犯額里齊哈喇哈什肆行搶劫兩城守兵無多克勒底雅城破見在兩城人心搖動請兵救援卽派兵前往一面咨商巴祿將伊等所領兵派出協剿報聞○富德等奏正月初六日在呼爾瑞遇賊轉戰五日得兆惠咨於十三日整兵至葉爾羌河岸偵探相距二十里十四日黎明前進六七里右翼阿里袞愛隆阿以槍礮敗賊數次餘賊仍依蘆葦放槍臣富德舒赫德領左翼兵急進賊渡河而逃計剿賊二三百人又防城內突出中軍與右翼以次進攻令左隊努三等領馬兵堵截尋至營盤知將軍大臣官兵無恙賊人屢敗不敢來犯見派努三等殿後徐回阿克蘇報聞○庚午諭軍機大臣等朕因披覽地圖見和闐去葉爾羌頗近阿克蘇則甚遠前舒赫德進兵時卽聞賊人侵犯之信且永貴又將齊凌扎布請兵情事行文巴祿則將軍大臣等自當會議發兵

應援蓋霍集占雖經屢敗而力尙能攻取和闐我兵雖不能卽取葉爾羌等城而往救和闐則甚易看來和闐之得失惟視我與賊到彼之先後儻爲賊所據則我侍衛官兵及伯克鄂對等豈不可惜且各城伯克所積資糧皆爲賊用專行攻取更屬煩費昨已諭巴祿領兵數百前往駐紮惟速行爲要再觀地圖所列喀什噶爾西北一帶皆布魯特哈薩克等遊牧烏什城亦頗堅固諒逆酋等必不自投羅網或從閒道越伯特勒庫庫哩里克畢特里克英阿喇特等嶺竄入俄羅斯若於此等可通伊犁之路俱駐兵堵截自易成擒亦黏籤於圖寄示兆惠等其悉心籌辦勿使兔脫○辛未諭向來內外文武三品以上大員遇京察軍政之年援例自陳文具相沿無裨實政曾經降旨停罷第念伊等游陟崇階並由特簡其人賢否優劣雖已均在洞鑒然其閒亦不乏旅進旅退苟圖持祿戀棧之人若以平時旣無大過足于吏議又不按例甄覈任其回翔日久必致職業不揚甚非激敘官方之道嗣後吏部於京察時將在京之尙書侍郎以下至三品京堂以上在外之總督巡撫分列爲二本兵部於軍政時將在京之都統副都統在外之駐防將軍都統副都統各省之提督總兵官分列爲三本繕具簡明履歷清單進呈候朕鑒裁以重考績大典著爲令○戊寅諭朕恭閱 皇祖聖祖仁皇帝實錄康熙五十五年九月內 諭大學士九卿詹事科道等曰國家設立科道寄以耳目重任建言參劾乃其專責九卿及督撫提鎮內居官貪婪行止不端者亦或有之科道官員卽當從公參劾乃或因某大臣保舉或因係某大臣門生故舊彼此瞻徇情面並不題

參閒有條奏彈章亦止受人請託或使人畏懼自立威名耳仰見 聖訓周詳洞燭情僞不獨明季科道惡習如見肺肝卽自古以來言官風氣關繫政治得失莫不包括無遺允宜垂示子孫爲萬世炯戒也朕臨御之初側席求言冀裨上理無如言官卽藉此以行其私者不少尙憶仲永檀參劾張照一事實由其座師鄂爾泰指使似此者指不勝屈究竟會何益於實政耶比年來督撫中若恆文之在雲南蔣洲之在山西敗檢狼藉至於如此之甚科道中竟無一人執白簡以從事者上年因日食復有求言之詔而湯先甲等亦不過撫拾浮言率行瀆奏使稍加獎鑒將復有如仲永檀之爲者矣及至稍加訓飭而伊等遂俱箝口結舌絕無封奏可見科道中原無實心爲國之人導之使言不過黨援同異冀快其私甚至各立門戶有害國家若置而不作興之則率以緘默爲苟容究其通病何一能逃我 皇祖聖神坐照中耶殊不思朝廷設官分職畀以耳目重寄凡國家用入行政之大端分宜屏去私心隨時獻納以資實用使不言者旣瘞厥官而言者又惟以門戶恩仇爲計是不惟無補國事且非立官之本意矣可將此旨傳諭知之

○兆惠等奏臣等酌議由阿克蘇和闐兩路進兵抵阿克蘇時未便駐一處除臣兆惠阿里袞巴祿阿桂領兵駐候馬駝糧餉外分兵一半令臣愛隆阿前往烏什駐紮以就口糧兼防喀什噶爾一路又逆賊鄂斯璊等侵犯和闐侍衛齋凌扎布等請兵應援自不可緩但見在馬力疲乏先揀官兵數百名令瑚爾起巴圖濟爾噶勒前往沿途捉生詢問若和闐守禦如舊卽會同夾擊或已被賊占據則收兵來迎富德俟

糧餉馬匹到臣富德福祿卽領兵接濟臣兆惠俟辦足五千兵糧馬再策應富德並從和闐往取葉爾羌到日賊若仍前抗拒臣兆惠富德卽前後相繼攻擊並堵截逆賊等逃往巴達克山等處路徑賊若固守巢穴卽掘濠困城分兵略地報聞○庚辰諭朕思兆惠富德等遽行撤回愈覺非是竟不知其是何意見且又有需用兵馬甚多之語設兵馬或不如數豈有罷兵之理乎富德救援將軍自謂了事則猶可恕兆惠身爲閫帥待人救出卽行撤回亦太不知愧奮矣且又不往援和闐豈不爲霍集斯伯克所笑況和闐之圍不過百賊故齊凌扎布以寥寥之兵尙能相拒兆惠一經到彼彼處人心益堅卽可敗賊乃並不如此辦理僅將瑚爾起巴圖濟爾噶勒遣往則是塞責而已每念及此殊增憤懣試問將軍參贊及領隊大臣內孰欲回阿克蘇孰欲往援和闐或樂欲同回阿克蘇其如何商議之處並令領隊大臣等據實具奏如有捏飾必從重辦理又巴祿接據永貴行知和闐被圍之信曾以進援兆惠爲要未經前往朕尙傳諭巴祿所奏甚是今將軍旣已援出何以不往援和闐亦著巴祿明白回奏近據納旺奏稱哈薩克錫喇在布魯特地方亦經諭令布魯特車哩克齊等解送前來但此際恐哈薩克錫喇被逗奔赴逆酋霍集占與同巢穴則一併擒解更屬妥協著伊等將辦理情形速行奏聞○是月升任甘肅巡撫吳達善奏哈密至關展原有三路可通因會同五吉咨商關展大臣定長等委員妥勘並修築棚槽據稱烏拉克沁橙槽溝一路水草寬裕路亦平坦臣擬將原設之蔡湖塘移安哈密城鞭杆墩塘移安頭堡南山口塘移安三堡

羊圈溝塘移安鴨子泉松樹塘移安瞭墩奎素塘移安橙槽溝共改安六塘可直接闢展舊有之肋巴泉臺站較舊路近一百三四十里並免行東達巴罕雪嶺之險其工食草料照舊關支毋庸另撥夫馬惟查臺路總匯之肋巴泉塘原安馬僅四十四匹今文報均由該塘分遞應酌添二十四匹卽於蘇吉及巴里坤底塘臺馬內各撥十四匹此兩塘存馬三十四匹止遞巴里坤一處文報儘足供差報聞

三月辛巳朔諭前因查閱蔣洲署中所藏字蹟書冊見有張照獄中所題白雲亭詩卷詞意怨望念張照爲受恩已故之人卽已付之炎官以保全其終始未曾明降諭旨昨命大學士蔣溥向伊子張應田寓中查取張照所遺筆札則更有未經朕覽刊入集中者無論不日不月等語極爲狂誕而一則曰丞相再則曰鄂伯若以伊之獲罪悉由於鄂爾泰之構陷者伊旣以此憤嫉之詞公然付之剞劂傳之後世無知者觀之將謂實有其事故朕不得不明切宣示矣鄂爾泰經理苗疆一事朕與和親王每日親承 皇考訓諭其中端委實所深悉張照之奉 命經略原令體察鄂爾泰事蹟乃張照一入四川妄自尊大不以苗疆重務爲計立意阻撓於董芳則極口贊揚於哈元生則痛加醜詆且私致書於哈元生等令參鄂爾泰以致張廣泗哈元生元展成等將伊乖張謬妄並致書屬參等款紛紛陳奏奏到時適值 皇考大事朕將參摺留中未發夫以國家經略大臣膺節鉞重寄而乃挾私憤事至於如此按以軍法立置重辟實所應得使非朕深知張照素與鄂爾泰嫌怨豈僅付法司擬以監候爲此格外矜原乎乃張照尙不知痛心